



Fylkesmannen i Hordaland

Sakshandsamar, innvalstelefon
Jørgen Aarø, 55 57 20 46
Rune Johan Mikkelsen, 55 57 21 81

Vår dato
14.03.2013
Dykkar dato

Vår referanse
2013/3717 433.2
Dykkar referanse

Torstein Sekse

5773 HOVLAND

Løyve til utsetting av fjelledelgran til juletreproduksjon

Torstein Sekse får løyve på bestemte vilkår til utsetting av fjelledelgran på gnr. 81 bnr. 1 i Ullensvang herad.

Vi viser til søknaden vi mottok 11. mars 2013 om utsetting av fjelledelgran til juletreproduksjon på gnr. 81 bnr. 1 i Ullensvang herad. Søknaden er vurdert i samarbeid mellom fylkesmannen sin miljøvern- og klimaavdeling og landbruksavdelinga.

Saka er handsama etter forskrift av 25. mai 2012 nr. 460 om utsetting av utanlandske treslag til skogbruksføremål, med heimel i naturmangfaldlova. Dei miljørettslege prinsippa i naturmangfaldlova kapittel II ligg til grunn for sakshandsaminga.

Treslag og mengd

Etter telefonsamtale 13. mars 2013 er det avklart at søkjar ønskjer å plante ut 350 fjelledelgran kvart år i ti år. Fjelledelgran (*Abies lasiocarpa*) er plassert i risikokategorien lav risiko¹ og er ikkje oppført på svartelista.

Utsettingsområdet

Det omsøkte utsettingsområdet består av fem små felt på om lag 4 daa til saman, merkt A1, A2, B, C og D i kartvedlegget til søknaden. Det vil stå om lag 700 tre pr. daa i desse felta. På resten av eigedomen rundt felta er det i dag fruktdyrking, og juletreproduksjon er etablert på restareal som er ueigna til dette.

I Naturbase² og Artskart³ er det ikkje registrert viktige eller sårbare naturtypar, raudlista artar eller MiS-figurar med innverknad på handsaminga av saka.

Vurdering

Utsettingsområdet er allereie etablerte juletrefelt på innmark, og resten av eigedomen er prega av landbruksdrift. Det er ikkje registrert naturmangfald som krev serskilt omsyn i området. Fjelledelgran er ikkje eit svartelista treslag, og trea skal hoggast før dei set frø, noko som minimerer spreingsfaren til kringliggande område.

¹ Gederaas, L., Moen, T.L., Skjelseth, S. & Larsen, L.-K. (red.) 2012. *Fremmede arter i Norge – med norsk svarteliste 2012*. Artsdatabanken, Trondheim.

² <http://innsyn.naturbase.no> (besøkt 12.3.2013)

³ <http://artskart.artsdatabanken.no> (besøkt 12.3.2013)

Vår vurdering er at saka er godt nok opplyst til å fatte eit vedtak jf. kravet til kunnskapsgrunnlaget og føre-var-prinsippet i naturmangfaldlova §§ 8 og 9. Vi kan ikkje sjå at produksjon av juletre på det omsøkte arealet vil medføre uheldige følgjer for naturmangfaldet.

Sidan planting skal skje i allereie etablerte juletrefelt vil juletreproduksjon i områda som er avteikna i kartvedlegget ikkje medføre ytterlegare belastning på naturmangfaldet utover det som er tilfellet i dag, jf. naturmangfaldlova § 10 om økosystemtilnærming og samla belastning.

Etter naturmangfaldlova § 11 skal kostnadane ved å hindre eller avgrense skade på naturmangfaldet berast av tiltakshavar. Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp i dette.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gjev dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel, har vi ikkje spesielle merknadar til dette i denne saka.

Vedtak

Torstein Sekse får løyve til å sette ut 350 fjelledelgran kvart år i perioden 2013 til og med 2022 på gnr. 81 bnr. 1 i Ullensvang herad på følgjande vilkår:

- Løyvet gjeld for dei omsøkte områda i kartvedlegget.
- Trea må hoggast før dei set frø.
- Rutinar for å sikre hogst før frøsetting må verte etablerte, og dokumentasjon på dette må visast fram ved eventuelle tilsyn.
- Dette dokumentet må gjerast kjend og overført til ny grunneigar ved eventuelt eigarskifte.
- Dersom juletreproduksjon på eigedomen vert avvikla må trea hoggast.

Klageadgang

Vedtaket kan påklagast innan tre veker, jf. forvaltningslova §§ 28 og 29. Klaga skal stilast til Direktoratet for naturforvaltning, men sendast til Fylkesmannen i Hordaland, jf. forvaltningslova § 32.

Med helsing

Stein Byrkjeland e.f.
seksjonsleiar

Jørgen Aarø
rådgjevar

Brevet er godkjent elektronisk og har derfor inga underskrift.

Kopi til

Ullensvang herad	Heradshuset	5780	Kinsarvik
Direktoratet for naturforvaltning (DN)	Postboks 5672 Sluppen	7485	Trondheim

WWF og SABIMA har bede om innsyn i saker som omhandlar utsetting av utanlandske treslag og får difor kopi av dette løyvet.